



«Բյուջեներ քաղաքացիների համար» ծրագիր

Թիրախային ուղղություններով շահերի պաշտպանության քարոզարշավ իրականացնելու նպատակով ենթադրամաշնորհային հայտերի ներկայացման հրավեր ՔՀԿ-ների (ԶԼՄ-ների) համար

1. «Բյուջեներ քաղաքացիների համար» ծրագրի մասին

«Իրավաբանների հայկական ասոցիացիա» ՀԿ-ը՝ ղեկավար կազմակերպությունը, իր գործընկերներ՝ «Տնտեսական զարգացման և հետազոտությունների կենտրոն» ՀԿ-ի և «Ագորա Սենթրլ Յուրոփ» չեխական ՀԿ-ի հետ համատեղ իրականացնում է «Բյուջեներ քաղաքացիների համար» ծրագիրը (այսուհետ՝ Ծրագիր):

Ծրագիրը մեկնարկել է 2022 թվականի դեկտեմբերի 8-ին և ֆինանսավորվում է Եվրոպական միության կողմից: Ծրագրի տևողությունը 48 ամիս է: Ծրագրի **հիմնական նպատակն** է քաղաքացիական հասարակության մասնակցությամբ խթանել Հայաստանում ներառական և թափանցիկ բյուջետային գործընթացին: **Ծրագրի առանձնահատուկ նպատակն** է՝ նպաստել պետական բյուջետային գործընթացներին քաղաքացիական հասարակության մասնակցության ուժեղացմանը:

2. Ծրագրի ենթադրամաշնորհային բաղադրիչի մասին

Ծրագրի շրջանակներում իրականացված ելակետային հետազոտության¹ արդյունքները փաստում են այն մասին, որ բյուջեի մոնիթորինգային գործընթացում հարցված ՔՀԿ-ների ընդամենը 20%-ն է վերահսկել բյուջեի կատարողականը, մինչդեռ 80%-ը բյուջեի մոնիթորինգ երբևէ չի իրականացրել: Միևնույն ժամանակ իրականացված մոնիթորինգները հիմնականում եղել են ՏԻՄ մակարդակում: Բյուջետային գործընթացում հայաստանյան ՔՀԿ-ների կողմից մոնիթորինգի իրականացման ցածր մակարդակը շեշտվել է նաև ճյուղային նախարարությունների ներկայացուցիչների կողմից: Մասնակցության ցածր մակարդակը արձանագրվել է նաև Բաց բյուջեների հետազոտության շրջանակներում: Մասնավորապես, ըստ Հայաստանի և այլ երկրների մասնակցության գնահատականի համեմատականի՝ Հայաստանը 2021 թվականին ստացել է 6 միավոր², իսկ 2023 թվականին՝ 11³: Իհարկե, 2023 թվականին

¹ <https://budgets.am/1162.html>

² <https://internationalbudget.org/open-budget-survey/country-results/2021/armenia>

³ <https://internationalbudget.org/sites/default/files/country-surveys-pdfs/2023/open-budget-survey-armenia-2023-en.pdf>

«Բյուջեներ քաղաքացիների համար» ծրագիրը ֆինանսավորվում է Եվրոպական միության կողմից

ստացած միավորը թեև կրկնապատկվել է, սակայն բյուջետային գործընթացի մասնակցության մակարդակը շարունակում է ցածր մնալ Հայաստանում՝ ի տարբերություն այլ երկրների (օրինակ՝ Վրաստանը 2021 և 2023 թթ. ստացել է 44 միավոր):

Ծրագրի շրջանակներում իրականացված ելակետային հետազոտության արդյունքներով նաև պարզ է դարձել, որ բյուջեի ոլորտում հիմնական հմտությունները, որոնք ՔՀԿ-ները ձգտում են բարելավել, դրանք բյուջեի վերլուծությունն է (83.8%) և բյուջեի տեղեկատվության հասանելիությունն ու օգտագործումը (82.5%), որին հաջորդում են մոնիթորինգը (73.8%) և շահերի պաշտպանությունը (71.3%): Հետազոտության շրջանակներում իրականացված ֆոկլուս խմբային քննարկումների ընթացքում մասնակիցների կողմից հնչեցրած առաջարկությունները վերաբերում էին վերլուծական հմտությունների, ինչպես նաև մոնիթորինգի և ջատագովության հմտությունների զարգացման անհրաժեշտությանը: Ինչ վերաբերում է պարզեցված բյուջեներին, ապա հարցման մասնակցած ՔՀԿ-ների ճնշող մեծամասնությունը (ավելի քան 90%) երբևէ չի մշակել պարզեցված բյուջե:

Հիմնվելով վերը նշված հետազոտության արդյունքում բացահայտված կարիքների վրա, նախորդող ամիսների ընթացքում ՔՀԿ-ների և ՋԼՄ-ների համար կազմակերպվել է բյուջետային ուսումնական ծրագրի (այսուհետ՝ Դասընթաց) երկու հոսք, որի հիմնական նպատակը հետազոտությամբ բացահայտված կարիքների հասցեագրումն էր: Կարիքների հասցեագրման նպատակով, ուսումնական թեմաները պատրաստել են Ծրագրի փորձագետները՝ դրանք մշակելով հնարավորինս հանրամատչելի, բովանդակային և հեշտ ընկալելի: Այս թեմաների վերաբերյալ մասնակիցները հնարավորություն են ստացել նաև առանձին հանդիպումներ ունենալ փորձագետների հետ, և ստանալ խորհրդատվություն և հավելյալ տեղեկություններ վերապատրաստման նյութերի և թեմաների վերաբերյալ:

Ի թիվս այլնի, երկու հոսքերի ՔՀԿ-ները և ՋԼՄ-ները վերապատրաստվել են բյուջետային գործընթացում բյուջեի վերլուծության և մոնիթորինգի իրականացման վերաբերյալ տեսական և պրակտիկ թեմաներով: Նրանք սովորել են պարզեցված բյուջեներ մշակելու առանձնահատկությունները, ինչպես նաև սովորել և զարգացրել են բյուջեի վերլուծության և մոնիթորինգի ընթացքում հատկորոշած հիմնախնդիրների վերաբերյալ շահերի պաշտպանություն իրականացնելու հմտություններն ու կարողությունները, ներառյալ քաղաքականության փաստարկների կազմում, ռազմավարական հաղորդակցություն, շահագրգիռ կողմերի ներգրավում և արդյունավետ երկխոսությունների վարում որոշում կայացնողների հետ: Զուգահեռաբար, Ծրագրի շրջանակներում երկու հոսքով վերապատրաստվել են նաև երիտասարդ մասնագետներ: Առաջին և երկրորդ հոսքերի երիտասարդ մասնագետները հաջողությամբ աշխատանքի են անցել բյուջեի մոնիթորինգի և վերլուծության, ինչպես նաև թիրախային ուղղություններով 1-ին փուլի շահերի պաշտպանության իրականացման ենթադրամաշնորհային ծրագրեր իրականացնող ՔՀԿ-ներում/ՋԼՄ-ներում⁴: ՔՀԿ-ները/ՋԼՄ-ները, որոնք երկրորդ փուլով արդեն իսկ ստացել են երիտասարդ մասնագետների ներգրավման ենթադրամաշնորհներ, սույն շահերի պաշտպանության մրցույթում հաղթելու դեպքում, կկարողանան շարունակել արդեն իսկ ներգրավված երիտասարդ մասնագետների հետ աշխատանքը: Միևնույն ժամանակ, այն դիմորդները, որոնք չեն մասնակցել բյուջեի վերլուծության և մոնիթորինգի իրականացման

⁴ Սույն հայտարարության շրջանակներում նշված «ՔՀԿ-ներ» և «ՋԼՄ-ներ» հասկացությունների իմաստը ներկայացված է 5-րդ բաժնում, որը վերաբերում է Դիմորդներին/հայտատուներին:

«Բյուջեներ քաղաքացիների համար» ծրագիրը ֆինանսավորվում է Եվրոպական միության կողմից

նպատակով նախորդ երկու մրցույթներին, կարող են դիմել սույն շահերի պաշտպանության մրցույթին՝ առանց երիտասարդ մասնագետների բաղադրիչի:

3. Ենթադրամաշնորհային ծրագրի նպատակը և նախընտրելի (թույլատրելի) գործողությունները

Ծրագրի այս փուլում հայտարարվում է **առաջին և երկրորդ Դասընթացը**⁵ հաջողությամբ անցած ՔՀԿ-ներին և ԶԼՄ-ներին տրամադրվող երկրորդ ենթադրամաշնորհների մեկնարկը՝ թիրախային ուղղություններով շահերի պաշտպանության քարոզարշավ իրականացնելու նպատակով:

3.1. Ընդհանուր նպատակ.

Ծրագրի թիրախ ոլորտներում բյուջետային գործընթացին առնչվող շահերի պաշտպանության և քաղաքականության երկխոսության իրականացում, ներառյալ՝ պետական բյուջեի վերաբերյալ հանրային քննարկումներին մասնակցությունը պետական մարմինների և ՀՀ Ազգային ժողովի մշտական հանձնաժողովների հետ:

Ընդհանուր նպատակներից է նաև թիրախային ոլորտների բյուջետային հիմնախնդիրների լուծմանն ուղղված քաղաքականության առաջարկների մշակումը և ներկայացումը, ինչպես նաև այդ գործընթացներում հանրային մասնակցության ընդլայնումն ու որոշումների կայացման գործընթացի վրա ազդեցության մեծացումը:

3.2. Թիրախային ոլորտները և ոլորտային ուղղությունները

(1) Արդարադատություն, (2) կրթություն, (3) սոցիալական աջակցություն և (4) գյուղատնտեսություն:

Թիրախային ոլորտների ուղղությունները.

(1) Արդարադատություն

- a. Դատական և իրավական, ներառյալ՝ սնանկության, փաստաբանության, հաշտարարության, նոտարական գործունեության, քաղաքացիական կացության ակտերի պետական գրանցման, իրավաբանական անձանց պետական գրանցման և հաշվառման, անձնական տվյալների պաշտպանության, իրավական փորձաքննության, միջազգային իրավական փոխօգնության համակարգեր,
- b. Մարդու իրավունքներ,
- c. Հակակոռուպցիոն,
- d. Ոստիկանություն և իրավապահ մարմիններ,
- e. Քրեակատարողական և պրոբացիայի համակարգ,
- f. Հարկադիր կատարումն ապահովող ծառայություն:

⁵ <https://budgets.am/1596.html> <https://budgets.am/3291.html>

(2) Կրթություն

- a. Հանրակրթություն, ներառյալ՝ նախադպրոցական, տարրական, հիմնական, միջնակարգ,
- b. Մասնագիտական, ներառյալ՝ նախնական մասնագիտական (արհեստագործական), միջին մասնագիտական, բարձրագույն մասնագիտական, հետբուհական մասնագիտական:

(3) Սոցիալական աջակցություն

- a. Ինտեգրված սոցիալական ծառայություններ,
- b. Պետական կենսաթոշակային ապահովություն,
- c. Սոցիալական աջակցություն,
- d. Ժողովրդագրություն
- e. Ընտանիքի, կանանց և երեխաների սոցիալական պաշտպանություն,
- f. Հաշմանդամություն ունեցող անձանց և տարեցների սոցիալական պաշտպանություն,
- g. Ապաստան ստացած փախստականների, տեղահանվածների, երկարաժամկետ միգրանտների և հարկադիր վերադարձող ՀՀ քաղաքացիների ինտեգրում կամ վերաինտեգրում:

(4) Գյուղատնտեսություն

- a. Բուսաբուծություն,
- b. Բուսասանիտարիա,
- c. Անասնաբուծության,
- d. Անասնաբուծություն,
- e. Գյուղատնտեսական մթերքի վերամշակում,
- f. Պարենային անվտանգություն,
- g. Մսնդամթերքի անվտանգություն:

3.3. Ծրագրի շրջանակներում կարող են իրականացվել հետևյալ գործողությունները.

1. Բյուջետային վերլուծությունների և մոնիթորինգի արդյունքների հիման վրա հատկորոշված հիմնախնդիրների վերաբերյալ շահերի պաշտպանության ռազմավարությունների մշակում և իրականացում:
2. Պետական բյուջեի հայտերի և ծրագրերի վերաբերյալ դիրքորոշումների, առաջարկությունների կամ արդեն իսկ մշակված դիրքորոշումների և առաջարկությունների հիման վրա քաղաքականության փաստաթղթերի մշակում և ներկայացում պետական իրավասու մարմիններին:
3. Պետական մարմինների և ՀՀ Ազգային ժողովի մշտական հանձնաժողովների հետ հանդիպումների, խորհրդակցությունների և քննարկումների կազմակերպում՝ թիրախային ոլորտների բյուջետային հիմնախնդիրների լուծումների շուրջ:
4. Շահերի պաշտպանության հանրային արշավների կազմակերպում՝ բյուջետային գործընթացում թիրախային փոփոխությունների հասնելու նպատակով:

«Բյուջեներ քաղաքացիների համար» ծրագիրը ֆինանսավորվում է Եվրոպական միության կողմից

5. Բյուջետային մշտադիտարկման արդյունքների հիման վրա մշակված առաջարկների ջատագովում և առաջմղում՝ համապատասխան շահագրգիռ կողմերի ներգրավմամբ:
6. Հանրային իրազեկման միջոցառումների կազմակերպում՝ բյուջետային գործընթացի թափանցիկության և հաշվետվողականության բարձրացման նպատակով:
7. Բյուջետային գործընթացում հանրային մասնակցությունը խթանող հանրային ֆորումների, քննարկումների և հարթակների ստեղծում:
8. Մասնակցություն ՀՀ 2027–2029 թթ. պետական միջնաժամկետ ծախսերի ծրագրի (ՄԺԾԾ) և ՀՀ 2027 թ. պետական բյուջեի նախագծի քննարկման նպատակով ՔՀԿ-ների համար կազմակերպվող հանրային քննարկումներին:
9. Ծրագրի ընթացքում իրականացվող շահերի պաշտպանության արշավների/գործողությունների շրջանակում առնվազն 250 անձի ներգրավում:
10. Դրամաշնորհային ծրագրերից մեկը կարող է ուղղված լինել «Բաց Կառավարման Գործընկերություն» նախաձեռնության շրջանակներում Հայաստանում բյուջետային գործընթացում մասնակցային մեխանիզմների վերաբերյալ գործողությունների կատարմանը օժանդակելուն (ԲԿԳ-Հայաստան ազգային ծրագրով գործողության առկայության դեպքում):

Ծանոթություն 1. Վերը թվարկված գործողություններից 1-ինը, 2-րդը, 5-րդը, 7-րդը, 8-րդը և 9-րդը պետք է պարտադիր կարգով նախատեսված լինեն ներկայացված ծրագրերում:

Ծանոթություն 2. Վերը թվարկված գործողություններից 1-ինը, 2-րդը և 5-րդը պետք է կատարվեն ծրագրերի իրականացման առաջին երեք ամսիներին:

Ծանոթություն 3. Սույն բաժնում թվարկված գործողությունների իրականացման համար հիմք հանդիսացող հիմնախնդիրները պետք է հատկորոշված լինեն կա՛մ Ծրագրի շրջանակներում 2024 և 2025 թվականներին տրամադրված ենթադրամաշնորհային ծրագրերի արդյունքում, կա՛մ համանման այլ ծրագրերի/գործողությունների իրականացման ընթացքում:

4. Դիմողները/հայտատուները

Ենթադրամաշնորհային ծրագրին կարող են դիմել ՔՀԿ-ները, ՁԼՄ-ները ստորև նշված պայմաններով:

Ենթադրամաշնորհային ծրագրի մրցույթին կարող են դիմել ՀՀ օրենսդրությամբ սահմանված կարգով այն ՔՀԿ-ները և (ՁԼՄ-ները), որոնք համապատասխանում են հետևյալ պայմաններին.

- 4.1. ՔՀԿ-ների դեպքում՝ ՀՀ օրենսդրությամբ սահմանված կարգով գրանցվել են ՀՀ արդարադատության նախարարության աշխատակազմի՝ իրավաբանական անձանց պետական ռեգիստրի գործակալությունում (այսուհետ՝ պետական գրանցում)՝ որպես ոչ առևտրային և ոչ պետական/տեղական (համայնքային) կազմակերպություն:

Ծանոթություն 4. ՔՀԿ-ների առանձնացված ստորաբաժանումները չեն կարող առանձին դիմել ենթադրամաշնորհային ծրագրին:

4.2. ԶԼՄ-ների դեպքում՝ ստացել են պետական գրանցում՝ որպես ոչ առևտրային կամ շահույթ չհետապնդող կազմակերպություն, կամ՝ չունեն պետական գրանցում, սակայն ստեղծվել և գործարկվում են պետական գրանցում ունեցող ոչ առևտրային կամ ոչ պետական/տեղական (համայնքային) կազմակերպության կողմից:

Ծանոթություն 5. *Ենթադրամաշնորհային ծրագրերի ֆինանսավորում ստանալու հավակնություն չեն կարող ունենալ այն ՔՀԿ-ները և ԶԼՄ-ները, որոնք ստեղծվել են պետական, տեղական (համայնքային) կամ առևտրային կազմակերպությունների (մարմինների) կողմից:*

4.3. Ավարտել են «Բյուջեներ քաղաքացիների համար» ծրագրի շրջանակներում ՔՀԿ-ների և ԶԼՄ-ների հմտությունների զարգացմանն ուղղված ուսումնական առաջին և երկրորդ ծրագրերը՝ հայտարարությամբ նշված բոլոր պայմաններին համապատասխան և ստացել են «Բյուջեներ քաղաքացիների համար» ծրագրի կողմից ուսումնական ծրագիրը ավարտելու հավաստագիրը:

4.4. Հաղթող ճանաչվելու դեպքում ՔՀԿ-ները և ԶԼՄ-ները համաձայնվում են մասնակցել մեկօրյա պարտադիր ուսուցման՝ «Բյուջեներ քաղաքացիների համար» ծրագրի ներկայացուցիչների հետ՝ ենթադրամաշնորհների իրականացման ընթացքի վերաբերյալ փորձագիտական, այդ թվում՝ ֆինանսական խորհրդատվություն ստանալու նպատակով: Կոնսորցիումով դիմելու դեպքում, պարտադիր ուսուցմանը պետք է մասնակցեն կոնսորցիումի յուրաքանչյուր անդամ ՔՀԿ-ը/ԶԼՄ-ը:

Ծանոթություն 6. *Նշված դասընթացին և քննարկմանը մասնակցելուց հրաժարված ՔՀԿ-ների և ՔՀԿ-ների կոնսորցիումների հետ ենթադրամաշնորհային համաձայնագիր չի կնքվի:*

4.5. Անմիջական պատասխանատվություն են կրում իրենց ենթադրամաշնորհային ծրագրի նախապատրաստման և ամբողջական իրականացման համար:

4.6. Դրամաշնորհային ծրագիր իրականացնելու դեպքում ՔՀԿ-ները և ԶԼՄ-ները կարող են դիմել ՔՀԿ-ներից և/կամ ԶԼՄ-ներից բաղկացած կոնսորցիումի միջոցով: Համատեղ ներկայացվելիք ենթադրամաշնորհային ծրագրի հայտի դեպքում պետք է սահմանվի համագործակցող կողմերի հարաբերությունները, դրանց միջև պարտականությունների և լիազորությունների բաժանումը, ինչպես նաև կցվեն պարտավորագիր-նամակներ բոլոր համագործակցող կողմերից: Կոնսորցիումի դեպքում առնվազն հիմնական հայտատուն պետք է ավարտած լինի ուսումնական ծրագրի առաջին հոսքը:

⁶ <https://budgets.am/1596.html> <https://budgets.am/3291.html>

«Բյուջեներ քաղաքացիների համար» ծրագիրը ֆինանսավորվում է Եվրոպական միության կողմից

4.7. ՁԼՄ-ների կողմից ներկայացրած ենթադրամաշնորհային ծրագրի դեպքում՝ ծրագրի հիմնական հայտատու պետք է լինի ՁԼՄ կամ կոնսորցիումի անդամներից առնվազն մեկը պետք է լինի ՁԼՄ: Սույն հայտարարության իմաստով ՁԼՄ-ին վերաբերող պահանջները ներկայացված են 4.2 կետում:

Առավելություն է տրվելու այն դիմորդներին, որոնք կդիմեն ՔՀԿ-ներից բաղկացած կոնսորցիումով, որոնց կազմում կլինեն ՁԼՄ-ներ, կամ կդիմեն առանձին ՔՀԿ-ներ, որոնք ծրագրում կներգրավեն լրագրող:

Մեկ ՔՀԿ-ն՝ որպես հիմնական հայտատու և գործընկեր կազմակերպություն, կարող է ընդգրկված լինել միայն մեկ կոնսորցիումում:

5. Բյուջեն և թույլատրելի ծախսերը

Ծրագրի շրջանակներում ՔՀԿ-ներին տրամադրվելու է մինչև 14 ենթադրամաշնորհ՝ մինչև 2,158,000 (Երկու միլիոն հարյուր հիսունութ հազար) ՀՀ դրամի չափով⁷: Ֆինանսավորվելու են միայն այն գործողությունները, որոնք նշված են սույն հայտարարության 3.3 կետում:

Ենթադրամաշնորհի տրամադրման պաշտոնական ժամկետից առաջ կատարվելիք, ինչպես նաև ենթադրամաշնորհի հետ առնչություն չունեցող ծախսերը չեն ընդունվի: Ի լրումն հիշյալի, հետևյալ գործողությունները համարվում են անընդունելի՝

- գործողություններ, որոնք վերաբերում են միայն կամ հիմնականում անհատական հովանավորությանը՝ սեմինարներին, կոնֆերանսներին և համաժողովներին մասնակցելու համար,
- գործողություններ, որոնք վերաբերում են միայն կամ հիմնականում անհատական կրթաթոշակներին՝ ուսումնառության կամ վերապատրաստման դասընթացների համար,
- գործողություններ, որոնք խտրականություն են ցուցաբերում անհատների կամ մարդկանց խմբերի նկատմամբ՝ հիմնվելով նրանց սեռի, սեռական կողմնորոշման, կրոնական համոզմունքների կամ դրանց բացակայության, կամ էթնիկ ծագման վրա,
- գործողություններ, որոնք աջակցում են քաղաքական կուսակցություններին:

Հետևյալ ծախսերը համարվում են անընդունելի՝

- պարտքեր և պարտքի սպասարկման վճարներ (տոկոսներ),
- կորուստների կամ հնարավոր ապագա պարտավորությունների համար պահուստներ,
- ծախսեր, որոնք հայտարարվել են շահառուի (շահառուների) կողմից և ֆինանսավորվել են մեկ այլ գործողությամբ կամ աշխատանքային ծրագրով, որը ստանում է Եվրոպական Միության դրամաշնորհ (ներառյալ EDF-ի միջոցով),
- հողի կամ շենքերի գնումներ,
- արժույթի փոխանակման կորուստներ,
- վարկ երրորդ անձանց,
- ազգային կառավարման մարմինների անձնակազմի աշխատավարձի ծախսեր:

⁷ Ենթադրամաշնորհի բյուջեի չափը կարող է փոխվել՝ ելնելով արտարժույթի փոխանակման փոխարժեքից:

«Բյուջեներ քաղաքացիների համար» ծրագիրը ֆինանսավորվում է Եվրոպական միության կողմից

Ենթադրամաշնորհի ստացողի կողմից բյուջեի ծախսային հոդվածների գումարներում կատարվող փոփոխությունների հանրագումարը չպետք է գերազանցի ընդհանուր բյուջեի տասը տոկոսը (10%), որի մասին նախապես գրավոր կարգով պետք է տեղեկացվի Ծրագրի/Իրավաբանների հայկական ասոցիացիայի (ԻՀԱ) պատասխանատու անձը և ստացվի նրա գրավոր համաձայնությունը: Ընդհանուր բյուջեի տասը տոկոսը (10%) գերազանցող գումարի կամ ենթադրամաշնորհի նպատակի փոփոխությունները պետք է կատարվեն ենթադրամաշնորհային համաձայնագրի երկկողմ հաստատված գրավոր փոփոխությունների տեսքով: Բյուջեի տրամադրման կարգավորումները նախատեսված են ԻՀԱ դրամաշնորհային քաղաքականության 5-րդ գլխում:

6. Հայտերի գնահատումը և ընտրության չափանիշները

Հայտերի գնահատումը և ընտրության չափանիշները ներկայացված են ԻՀԱ-ի գնումների քաղաքականության 2-րդ հավելվածով, որը վերաբերում է «Բյուջեներ քաղաքացիների համար» ծրագրի շրջանակներում տրամադրվող ենթադրամաշնորհների ընթացակարգին:

7. Ենթադրամաշնորհային հայտի ներկայացման կարգը

Բոլոր հետաքրքրված ՔՀԿ-ներին և ՁԼՄ-ներին, որոնք համապատասխանում են սույն հայտարարությամբ ներկայացված պահանջներին, հրավիրում ենք մասնակցելու սույն մրցույթին՝ լրացնելով սույն հայտին կցված ձևաթուղթը:

Ենթադրամաշնորհային հայտին կից պետք է ներկայացվեն հետևյալ փաստաթղթերը.

- Ենթադրամաշնորհային ծրագրին դիմող ՔՀԿ-ի և ՁԼՄ-ի (կոնսորցիումի դեպքում՝ բոլոր անդամ ՔՀԿ-ների և ՁԼՄ-ների) կանոնադրության պատճենը:
- Ենթադրամաշնորհային ծրագրին դիմող ՔՀԿ-ի (կոնսորցիումի դեպքում՝ բոլոր անդամ ՔՀԿ-ների և ՁԼՄ-ների) պետական գրանցման վկայականի պատճենը՝ ներառյալ բոլոր ներդիրների պատճենները,
- Յուրաքանչյուր դիմող կազմակերպության մասին հակիրճ (առավելագույնը մեկ էջ) նկարագրություն:
- Ղեկավարող կազմակերպության (հիմնական հայտատուի) հարկ վճարողների հաշվառման համարի (ՀՎՀՀ) պատճենը, եթե ներառված չէ պետական գրանցման վկայականում:
- Տեղեկանք բանկից՝ ղեկավարող կազմակերպության բանկային հաշվի առկայության մասին:
- Եթե ենթադրամաշնորհային ծրագրի ղեկավարը ՔՀԿ-ի/ՁԼՄ-ի ղեկավարը չէ, ապա ՔՀԿ-ի/ՁԼՄ-ի ղեկավարի կողմից ծրագրի ղեկավարին տրված լիազորագիրը:
- Ենթադրամաշնորհային ծրագրի իրականացնող թիմի հիմնական անդամների ինքնակենսագրականները:

«Բյուջեներ քաղաքացիների համար» ծրագիրը ֆինանսավորվում է Եվրոպական միության կողմից

- Կոնսորցիումի դեպքում՝ պարտավորագիր-նամակներ կոնսորցիումի անդամների կողմից կամ համագործակցության համաձայնագիր՝ ենթադրամաշնորհային ծրագրի համատեղ իրականացման մասին:
- «Բյուջեներ քաղաքացիների համար» ծրագրի շրջանակներում ՔՀԿ-ների և ՁԼՄ-ների հմտությունների զարգացմանն ուղղված ուսումնական ծրագիրը ավարտելու հավաստագրի պատճենը:
- Գրավոր հավաստում այն մասին, որ Դիմորդը, իսկ կոնսորցիումով դիմելու դեպքում՝ Կոնսորցիումը դիմելու է նաև բյուջետային ոլորտի երիտասարդ մասնագետներին աշխատանքային հիմունքներով ՔՀԿ-ում/ՁԼՄ-ում ներգրավելու նպատակով հայտարարված ենթադրամաշնորհային ծրագրին:

Բոլոր փաստաթղթերը հարկավոր է ներկայացնել հայերեն լեզվով: Անհրաժեշտության դեպքում ենթադրամաշնորհային հանձնաժողովը դիմողներից կարող է պահանջել հավելյալ փաստաթղթեր, ինչպես նաև ներկայացված փաստաթղթերի բնօրինակները:

8. Ժամկետը

Ենթադրամաշնորհային ծրագրերի տևողությունը պետք է լինի 6 (վեց) ամիս:

9. Այլ պահանջներ

Ենթադրամաշնորհային հայտի ձևը, հավելվածները և կից փաստաթղթերը պետք է ստորագրված լինեն Ծրագիրը ղեկավարող կազմակերպության ղեկավարի կողմից և կնքված լինեն տվյալ ՔՀԿ-ի/ՁԼՄ-ի կնիքով:

Ամբողջական հայտն ու կից փաստաթղթերը էլեկտրոնային տարբերակով անհրաժեշտ է ուղարկել info@armia.am էլեկտրոնային փոստի հասցեով՝ նամակի վերնագիրն անվանելով՝ «ՔՀԿ-ների/ՁԼՄ-ների շահերի պաշտպանության ենթադրամաշնորհային հայտ»:

Ուշադրություն. արձեռն ներկայացված հայտերը չեն դիտարկվի:

Սույն փուլի հայտերի ներկայացման վերջնաժամկետն է **2026թ. փետրվարի 23-ը, ժամը 18:00-ը:** Ներկայացված հայտը և կից փաստաթղթերը հետ չեն վերադարձվի հայտատուին՝ անկախ այն հանգամանքից՝ հայտը ընդունվել է, թե ոչ: Պահանջվում է ուղարկել փաստաթղթերի միայն մեկ փաթեթ:

Ենթադրամաշնորհների հետ կապված բոլոր հարցերը լուծվում են՝ ԻՀԱ դրամաշնորհների տրամադրման քաղաքականության համաձայն:

Ենթադրամաշնորհի տրամադրման վերաբերյալ որոշումները կընդունվեն **մինչև 2026թ. մարտի 9-ը:** Հաղթողների վերաբերյալ տեղեկատվությունը կհրապարակվի Ծրագրի կայքում՝ <https://budgets.am/>:

«Բյուջեներ քաղաքացիների համար» ծրագիրը ֆինանսավորվում է Եվրոպական միության կողմից

Ենթադրամաշնորհների իրականացման սկիզբը 2026թ.-ի մարտի 16-ն է:

Ծրագրային առաջարկի վերաբերյալ հարցեր կամ պարզաբանումներ ունենալու դեպքում, դրանք կարող եք գրավոր կարգով ներկայացնել info@armia.am հասցեին, որոնք կամփոփվեն և պատասխանները կներկայացվեն իրազեկման (տեղեկատվական) հանդիպման ընթացքում:

Տեխնիկական հարցերի դեպքում կարող եք կապ հաստատել Ծրագրի դրամաշնորհների համակարգող Արտակ Սարիբեկյանի հետ՝ զանգահարելով +37410 540199 հեռախոսահամարով, կամ էլեկտրոնային նամակով՝ info@armia.am հասցեով:

10. Իրազեկման հանդիպումներ

Սույն հայտարարությամբ նախատեսված ենթադրամաշնորհների մասին ՔՀԿ-ներին/ԶԼՄ-ներին իրազեկելու նպատակով Ծրագրի կողմից կազմակերպվելու է իրազեկման (տեղեկատվական) առցանց հանդիպում, որին մասնակցելու և գրանցվելու վերաբերյալ հայտարարությունը կտեղադրվի Ծրագրի կայքում⁸ և Ֆեյսբուքյան հարթակում⁹:

Ծանոթություն 7.

Հայտարարության մեջ նշված ժամկետները և պայմանները անհրաժեշտության դեպքում կարող են փոփոխվել: Փոփոխությունների դեպքում տեղեկատվությունը կհրապարակվի Ծրագրի կայքում::

Ուշադրություն.

Այն հայտերը, որոնք կներկայացվեն սահմանված ժամկետից ուշ և/կամ չեն ընդգրկի պահանջվող ամբողջ տեղեկատվությունը կամ չեն բավարարի Ծրագրի պայմաններին, չեն դիտարկվի:

Սույն հայտարարությանը կից փաստաթղթերը.

1. ԻՀԱ դրամաշնորհների տրամադրման քաղաքականություն,
2. Ենթադրամաշնորհային առաջարկի հայտի ձև,
3. Հավելված 1. Ծրագրի տրամաբանական կառուցվածք,
4. Հավելված 2. Ծրագրի բյուջե:

⁸ <https://budgets.am/>

⁹ <https://www.facebook.com/profile.php?id=100090358352230>